

Ny Valosoa sy hadihady

Kolonely Ratsimandrava

Rain'ny fokonolona sy ny fokontany ary ny fitsinjaram-pahefana

Valo ambiefapolo taona amin'ity andro 11 Febroary ity no namonoan'ny fahavalom-pirenena ny filoham-panjakana, ny Kolonely Ratsimandrava Richard. Mbola misitery ny namonoana azy, tsy mbola tena mazava hatramin'izao na efa teny amin'ny biraony tao amin'ny « Patte d'Eléphan » izy no novonoina na tena notifirin'ilay GMP, Zimbo, teny Ambohitatoa tokoa. Raha tsiahivina ny tantara dia ny 5 Febroary 1975 no natolotry ny Jeneraly Ramantsoa Gabriel azy ny fahefana feno. "Tsy hiamboho adidy aho, mon Général", hoy izy. Telo taona mahery kely izy no niandraikitra ny Minisiteran'ny Atitany ary namerina ny hasin'ny fokontany izay vondrom-bahoaka itsinjaram-pahefana fototra teo amin'ny fiarahamonina malagasy. Tsiahivina isan-taona ity andro anisan'ny "MAIZINA" indrindra teto amin'ny Firenena ity, satria toa nilatsaham-baratra ny vahoaka Malagasy raha nandre ny namonoana azy. Efa azo lazaina fa nanana ny fahefana sy fizakantena teo amin'ny sehatra ara-toekarena, ara-pitantanana, ara-pahefana ary fanarahamaso ny fandriampahalemana (andrimasom-pokonolona) ny Fokontany. Anisan'ny nanana ireo vondrom-bahoaka itsinjaram-panjakana ireo ny fahefana nanao tetikasa sy programam-pampandrosoana ny nananganana ny "Vatoeka", izay anisan'ny fototra ny fahafahana manatanteraka ireo. Toy ireo vondrom-bahoaka nitsinjaram-pahefana rehetra dia nisy hatrany ny solontenan'ny fanjakana foibe nampy tamin'ny fampandehanan-draharaha dia ny fanapariham-pahefana (déconcentration). Notohizan'ny Amiraly Ratsiraka Didier behofo voafidy ho filoham-pirenena izy ny vondrom-bahoaka itsinjaram-pahefana izay nisy ny Fokontany, Firaism-pokontany, Fivondronam-pokontany ary ny Faritany. Nisy ny fifidianana mivantana teo anivon'ireo vondrom-bahoaka ireo ary toa nanome fanantenana ny vahoaka tokoa ilay teny filamatra "teny miakatra ifampiharana, teny midina ifampifehezana" kanefa sarotra ihany ny nampifanindry an-dàlana ny "sosialisma" sy ny fitsinjaram-pahefana tena izy. Nopotehina ilay "Vatoeka" ary natsangana ny "koperativa sosialista" ary ny tena nahirana dia natsangan'ny fitondrana Ratsiraka Didier ihany koa ny "Koparema" izay tsy azo lavina fa orinasan'ny antoko politika Arema izay an'ny filoha Repoblika. Tena nampiseho fa fitondrana tsy refesimandidy no nisy tamin'izany, satria dia miaramila no niasa tany amin'ireny toeram-pambolen'ny Koparema ireny. Anisan'ny nanana finjavana namerina ny von-

drom-bahoaka itsinjaram-pahefana ny fitondrana tamin'ny andron'ny Filoha Ravalomanana Marc tamin'ny alàlan'ilay Programam-pirenena momba ny Fitsinjaram-pahefana sy ny Fanapariham-pahefana (Programme National de Décentralisation et de Déconcentration). Minisitera fito no notsongaina nandrafitra ny programa: Fanabeazam-pirenena, Vola sy Toekarena, Fambolena sy Fiompihana, Angôvo sy Harena Ankibon'ny Tany, Tontolo Iainana, Atitany ary ny minisiteran'ny Mponina. Ny Pnud sy ny Unicef no namatsy vola ny programa. Azo inoana fa raha nahavita ny fe-potoana hatramin'ny 2012 ny Filoha Ravalomanana Marc dia tafapetraka ny vondrom-bahoaka itsinjaram-pahefana tena izy. Ny Lalàmpanorenana amin'izao Repoblika IV izao moa dia natao dika mitovy tamin'ny tany ivelany dia ny kaominina no rafitra fototra eto amin'ny Firenena. Rehefa tsy mbola voafidim-bahoaka mivantana ny filoham-pokontany, izay "sefo fokontany" ary tendren'ny minisiteran'ny Atitany dia tsy anisan'ny vondrom-bahoaka itsinjaram-pahefana izany fa fanapariham-pahefana (Service Technique Déconcentré). Amin'izao fotoana izao koa dia toy izany ny Faritra izay raha araka ny Lalàmpanorenana dia fidiana ny Lehiben'ny Faritra kanefa dia tendren'ny fanjakana foibe izy ireny. Iainana ny vondrom-bahoaka itsinjaram-pahefana ny tsy fanana tetibola fa mirotsaka any amin'ny kitapombolam-panjakana avokoa ny vola miditra rehetra vao tsinjara. Miainga any amin'ny rafitra fototra ny fampandrosoana fa tsy arotsaka avy any ambony, satria tsy mahafantatra izay tena ilain'ny mponina ny any ambony. Iainana izany amin'izao fotoana izao satria ny filohan'ny Repoblika no milaza izay tiany ho tene-nina momba izay fotodrafitrasa tokony haorina ary tsy misy resaka ny any amin'ny fokontany, fa saika any amin'ny distrika foana no anaovana izany. Tantara sisa ny fokontany amin'ny endriny nametrahan'ny Filoham-panjakana Ratsimandrava Richard azy ary tantara efa tsy fantatry ny taranaka aty aoriana intsony ny fisiany kanefa raha notohizana araka ny niheverany azy izany vondrom-bahoaka itsinjaram-pahefana izany dia tsy ho toy izao ny fiainan'ny Malagasy. Adidy tsy maintsy raisin'izay te-hitondra ity Firenena ity ny fanomezana hasina sy famerenana ny Vondrom-bahoaka Itsinjaram-pahefana tena izy hisian'ny fampandrosoana miainga avy any ifotony.

Andry Tsiavalona

FIARAHAMONIM-PIRENENA ANDRIAMASO

Mampikaikaika vahoaka ny fanararaotam-pahefana ataon'ny mpitondra ifotony

Mampitaraina ny vahoaka madinika nandritra ny taona 2022 lasa teo, ny tsindry hazolena ataon'ireo olom-panjakana isantsokajiny : ny Zandary, ny Miramila, ireo manampahafana ifotony... hoy Andriamatoa Andry Raveloson, filoha nasionaly ny vovonana Andriamaso (Fiarahamonim-pirenena miaro ny zon'olombelona sy miady amin'ny tsy fandriampahalemana). Io no fanehoan-kevitra nison-gadina nandritra ny lanonana fiarahabana tratra ny taona nataon'ny mpikambana ao amin'ity vovonana ity, tetsy amin'ny Fokontany Ankadindra-mamy omaly zoma. Nandritra fanazavana ity tompon'andraikitra ity, fa miisa 1200 ny fitarainan'ny olona nandalo teo amin'ny Andrimaso nan-



Ireo ao amin'ny fiarahamonim-pirenena Andrimaso.

dritra ny taon-dasa ary voavaha avokoa ny 80 % an'ireo raharaha ireo, noho ny fisian'ny soatavina Malagasy ao anatatin'izany ny fandalana ny fihavanana. Nandritra fanazavana ny filoha nasionaly ny Andrimaso, fa araka ny fidinana ifotony izay nataon'ny biraonationaly dia ny fahantrana sy ny fiantraikan'ny fanda-

lovan'ny aretina « Covid » no fototra ny olona eto Madagasikara mahatonga ny fifanolanana ary noho ny fisian'ny fanararaotam-pahefana ataon'ny olom-panjakana dia mihazakazaka any amin'ireo fikambanana miaro ny zon'olombelona ny vahoaka madinika mitondra ny fitarainany rehefa tsy mahazo ny rariny. Nana-

mafy i Andriamatoa Raveloson Andry, fa hiantso an'ireo olona sahy hiaro ny zon'olombelona sy hiaro ny vahoaka madinika miaraka amin'ny fananany, mba hanatevindaharana an'ity vovonana ity ny mpikambana Andrimaso amin'ity taona 2023 ity, satria noho ny fisian'ny tsindry hazolena ataon'ny olom-panjakana dia misintaka ny tanàn-dehibe ireo vahoaka madinika tsy nahazo ny rariny ary manosika an'ireto farany hanao valifaty amin'ny alalan'ny fanaovana ny asan-dahalo sy sakan-dalana, ka manome vahana ny tsyfindriampahalemana. Nanamafy ny filoha nasionaly ny vovonana Andriamaso, fa tokony homen'ny fitondrampanjakana asa ireo mpitandro filaminana naha-

facebook NY VALOSOA
Gazety misoho intelo isan-korimandro
(Talata - Alahaminy - Sabotsy) VAOVAO

Rajoelina sy ny forongony Nanao sorona olona teny Ambohitsorohitra



Arphine Rahelisoa Helisoa : e reto ianareo, fa ilay natao sorona Zao mba nanao ahoana ny fiainany? Indrisy.

Christian Rabefitiavana: nanao sorona olona teny Ambohitsorohitra Rajoelina sy ny forongony tamin'ny 7 fev 2009.

Lalahery Ranaivo : nampiakapeo ilay "sisampaty" fa nahazo toerana ny mpisolelaka, fa ny tena nitolona(hono) natao anjorombala.

Naly Rakotonjoely : misy ny tenin'izay Raimandreny be izay hoe ny Mpitolona tsy voatery ho teny An-kianja daholo kanefa dia Mpitolona daholo ireny!

Rataa Jhonson : ary hitako ny sasany nanome tso-drano, dia lasa nody.

Naly Rakotonjoely : hihihiiii!

Raoliarivony Andriantsalama Sitrika : ilay Min-Pop ve MBA isan'ny nitolona t@ ireny?

Landy Najah Andrianarivelo : mbola mpanao klipy tam'ireny.

Randriamamizafy Ignace : sahirana ny sisa velona ny ra efa maina sy voafafa teo ny maty efa lo any ampasana ny havan'ny maty efa afa-tsaona sy siran'ny fanadinoana fa mbola fohazin'ireto indray.

Fidele Razanapary : ireo koa ve hiasa saina @ 'izany NY seza EFA azony!

Tovonanahary Rasolofoharivelo : oay ireto izy mpanankarena be daholo... efa tonga any am-bilanin'ny malagasy izao ny vary Ar 1000/1 kapoaka...

Ranoux Ramaholy : tena anjely kely daholo reto izy, eo anoloan'ny lapa-panjakana, nefa Tvm t@io efa may.

Ei-Dani Rakoto : voky daholo ireto izy.

Hassan Mohamed: voky ny alahelom-bahoaka zareo!

Aurelie Raveloarisoa : mila Tonga saina lehiretsy a !

Lova Rakotonirina : botrabotra sy bekibo aby izy reto! Kkkk! Botrabotran'ny alahelom'ny nataony sorona.

Ken Chan Chau : tena mahavariana ny fonom-pisainan'ny olona sasany. Fahoriana sy fijaliana ary tena fahantrana mihintsy anefa ny iainantsika sy ny ankabeazan'ny vahoaka.

Vololona Elisa : efa miliardera daolo reo ee, n'y Vahoka Mahantra Fadiranovana !

Josoa Fanomezantsoa : matimaty foana ny maty tamin'ireny 7 fevrier reny. Nataon'ny sasany tohatra fiakarana fotsiny e.

vita fanompoam-pirenena, satria lasa manampy isa an'ireo dahalo ireto farany rehefa tsy mahita fidiram-bola hamelomana ny ankohonany. Tsiahivina fa miisa 30 ireo vondrom-pikambanana izay mandrafitra ny vovonana Andriamaso manerana ny Nosy ary

niray feo ireto farany, fa ny tsy fisian'ny fanampiana ara-tsosialy no anisan'ny fototra mampirongatra ny tsy fandriampahalemana, ka tokony ho jeren'ny manampahafana akaiky.

Franck Razakambelo